

三稜煎

治血癥血瘕食積痰滯

三稜

醋浸

莪朮

製全上
各三兩

青皮

去白
半夏

麦芽

炒各
一兩

右用好醋一鍾煮乾焙為末醋糊

丸梧子大每服三四十九淡醋湯下痰積生薑湯下

○脬轉小便不利

婦人脬轉或內熱傳搏於脬或恐小便氣逆於內以致小腹急痛不得小便甚者至死

薛氏曰前症不問男女孕婦轉筋小便不利命在

反掌非八味丸不能救

一婦因鬱怒小便滴瀝漸至小腹腫脹痰咳喘促用八味丸料煎服小便即利而痊

葱白湯

治氣滯小便不通腹脹欬死

陳皮

三兩

葵子

一兩

葱白

一握水煎分三服

八味丸

治轉脬小便不通殊有神効但世所

不用以致悞人

方見虛損

滑石散

脬轉數日不通

滑石

一兩

寒水石

二兩

葵子

一合

右研以水

一斗煮至五升每服一升即通利

又方 亂髮煨 葵子 車前子 各等分酒

調下二錢

強忍小便致脬轉尿不利困篤欲死

滑石 二兩 髮灰 一兩 為末每服三錢桃白皮

一觔細切搗熟入水三盞絞取汁調服

千金翼用杏仁去皮尖二十枚麩皮炒黃嚙細水

送下立通

一方 皂角為末吹鼻內取嚏

石菖湯

治脬轉小便不通及小便實熱氣滯

淋瀝

石菖 黃芩炒 木通 葵子 榆白皮 瞿麥

甘草各五分 加生姜水煎服

○小便數

薛氏曰小便數頻若肝經火動用逍遙散加龍膽

草車前子

膀胱火動六味地黄丸加麥門冬五味子

肝腎濕熱龍膽瀉肝湯 鬱傷肝脾加味逍遙散

加味歸脾湯 脾肺氣虛補中益氣加麥冬五味
肝經血虛加味逍遙散 腎氣虛敗鹿茸
散如不應_レ用_レ六味丸_ヲ

桑螵蛸散 治腎氣虛寒小便數少或時頻數

或夜間丸數_{ナク}

桑螵蛸炒三枚 鹿茸灸 牡蛎煨 炙甘草

灸黃耆 右為末每服二三錢食前空心用

姜湯調下日二服

縮泉丸 治脬氣虛寒小便頻數或遺尿不住

小兒丸效_リ

烏藥 益智仁 各等分為末酒煮山藥糊為

丸梧子大每服七十九丸鹽酒或米飲下

鹿茸散 治腎氣虛寒便溺數甚或夜間頻數

遺溺_ス 鹿茸灸 烏賊魚骨 桑寄生

川歸 龍骨煨各二兩 白芍炒 附子炮各三錢

桑螵蛸灸五錢 右為末每服二錢空心并食

前溫酒調下作丸亦可

○遺尿失禁附小便出尿與名交腸病也

內經曰胞移熱於膀胱則癃溺血膀胱不利為癃
不約為遺溺註云膀胱為津液之府水注由之
然則三焦脈實約下焦而不通則不得小便足
三焦脈虛不約下焦則遺溺也靈樞曰足三焦
者太陽之別也並太陽之正入絡膀胱約下焦
實則閉癃虛則遺溺

良方曰此乃心腎之氣失其常度故有便道澀而
遺者有失禁而不知自遺者亦有傷產傷膀胱
不時而遺者有脬寒臟冷而不自知者

薛氏曰設肝腎虛熱廷孔痿痺用六味丸如不應
用加減八味丸陽氣虛憊膀胱積冷用鹿茸丸
如不應用八味丸若脾氣虛弱不能禁止用補
中益氣湯加山藥山茱萸五味若肺氣虛寒煎
湯加桂附此症屬虛熱者多真寒者少治宜審
察

婦小便自遺或時不利日晡益甚以肝熱陰挺
不能約制用六味丸料加白朮黃柏酒炒黑
分知母五分數劑諸症悉愈若誤用分利之藥

愈損真陰必致不起

二老婦患前症惡寒躄倦四肢逆冷余以為陽氣虛寒用補中益氣湯加附三劑不應遂以參附湯四劑稍應仍以前藥而安附子計用四枚人參三觔許

一婦病愈後小便出屎以陰陽失於傳送名大小腸交也先用五苓散二劑而愈又用補中益氣湯而安

鹿茸丸

治陽氣虛小便白濁滑數不禁或臍

腹陰冷大便不實

鹿茸灸

椒紅

桂心

石斛

附子

炮牡蛎煨

補骨脂炒

肉蓯蓉

雞肫皮

炙沉香各一兩

桑螵蛸炙半錢

右為末酒糊丸梧子大每服三十九空心溫酒下

秘元丹

治陽氣虛小便不禁或夜多小便頻

數上

白龍骨煨三兩

訶子十枚去核

砂仁一兩

右為末糯粥丸梧子大空心益湯下五十九

酒亦可

又方

鹿角鑿屑炒為末每服三五錢空心熱

酒調下

又方

雞胫胫炙為末每服二三錢空心食前

酒調下日三次

又方

桑螵蛸酒炒為末每服七錢空心姜湯

調下

大宮詹少溪吳馭閱校

終



國家圖書館, NATIONAL CENTRAL LIBRARY, TAIWAN, R.O.C.

赤水玄珠婦人門二十六卷目錄

小便出血

陰腫



陰痒

陰挺下脫

陰瘡

交接輒血出痛

胎前惡阻痰逆

胎動不安

胎漏下血

胎氣上逼

妊娠心腹痛


妊娠腰背痛

妊娠小腹痛

妊娠心腹脹滿

妊娠數墮胎

胎不長



國家圖書館, NATIONAL CENTRAL LIBRARY, TAIWAN, R.O.C.

墮胎血下不止

未足月欲產

過期不產

妊娠欬嗽

妊娠吐血衄血

終

婦人全書卷之二

新安生生子孫一奎著輯

○小便出血

良方曰心主於血通行經絡循環臟府得寒則凝
澁得熱則妄行失其常道則溢滲於腠則小便
出血也

○薛氏曰前症肝經血熱者加味逍遙散怒氣血傷
者同治調送血餘灰妙者肝經風熱用前散送
子苓丸氣血俱虛者八珍散送血餘灰膏梁積

國家圖書館, NATIONAL CENTRAL LIBRARY, TAIWAN, R.O.C.

熱者清胃散加槐花甘草風熱傷胃者四君子
加防風枳殼胃虛不能攝血者補中益氣鬱結
傷脾不能攝血者濟生歸脾湯

婦小便出血服四物蒲黃之類更加發熱吐痰
加芩蓮之類又飲食少思虛症蜂起肝脉弦而
數脾脉弦而緩此因肝經風熱為沉陰之劑脾
傷不能統血發生諸臟而然也用補中益氣亦
味地黄丸而痊

蒲黃鹿茸散 治勞損尿血發熱內熱或寒熱往

來口乾作渴

蒲黃炒 鹿茸炙 當歸 生地 葵子炒

續斷酒炒 各為末每服二錢酒調日三服

髮灰散 起居所傷小便尿血或忍尿脬轉臍下

急痛小便不通又治肺疽心衄內崩吐血舌

上出血俱妙本草云能療瘀血通關膈利水
瘡療脬轉通大小 右每服二錢米醋湯調下

生地黄散 血熱尿血

生地錢二 黃芩炒五錢 阿膠炒 側柏葉炒各錢

右水煎食前服

當歸散 血分熱尿血

川歸 羚羊角屑 赤芍 各五 刺薊葉 錢一

生地 錢一 右水煎服

又方 治血分有熱 生地黄搗汁 每用一小盞日三服

又方 治血分熱 尿血 用炒蒲黃末 每以二錢溫酒下

鹿角膠散 鹿角膠炒為末 二兩作二服 長流水

調妙

○陰腫

良方曰 陰腫曰胞絡素虛 風邪客之 乘于陰部 血氣相搏 故也

薛氏曰 氣血虛弱 補中益氣湯 肝經濕熱 龍胆瀉肝湯 又當與陰痒陰挺 陰冷相參而治

又云 一婦陰中腫悶 小便澀滯 兩脇作腫 內熱晡熱 月經不調 時或寒熱 此曰肝經鬱怒 元氣下陷 濕熱壅滯 朝用歸脾湯 加柴胡 升麻 解鬱結 補脾氣 升元氣 夕用加味道遙散 清肝火 生肺血 除濕熱 各數劑 諸症悉愈 又用四君芎歸丹

皮調補肝脾而經水如期

菖蒲散 治月水澁滯陰戶腫痛

菖蒲 當歸炒各一兩 秦艽二兩

右每服五錢入葱白水煎服

白礬散 治陰腫堅痛

白礬錢五 甘草分五 大黃兩一

右為末水調如凍大綿裹內陰中一日兩換以愈為度

○陰痒

良方曰陰痒為三虫在腸胃之間因臟虛而蝕輕則陰中痒甚則陰中痛也

生生子曰前症亦有虛者古人有用人參一兩煎湯服之而愈予曾治一宦婦年廿一疹出未彌月而犯房事熱回下陷陰中痒甚每一發神魂颯然兩手抓壁口中咬物鮮血淋漓尻脫肉破而不違顧七日肌肉如削諸洗掃方歷試無功作虫治尤劇欲懸梁求死予為籌之乃虛熱陷入至陰當從陰引陽以黃芪六錢甘草二錢防

風一錢柴胡二錢水煎食前服之其疾頓止此引金伐木之法也

薛氏曰前症屬肝經所化當用龍胆瀉肝湯逍遙散以主其內外以菝仁研膏和雄黃末或鷄肝內陰中以制其虫

一婦胸膈不利內熱作渴飲食不甘肢體倦怠陰中悶痒小便赤澁此鬱怒傷肝脾所致用歸脾湯加山梔而愈復目怒患處并小腹脹痛用小柴胡加芎歸山梔芍藥痛止用山梔入逍遙散

而痊又因勞役患處腫脹小便仍澁用補中益氣加山梔茯苓丹皮而瘳

一方新菝葉搗綿裹內陰中一日三易

大黃散 治陰痒

大黃炒微 黃芩 黃芪各五兩 赤芍 玄參

蛇床子 山茱萸 為末酒調服二錢

又方杏仁燒灰乘熱綿裹納陰中日二易之

又詩曰 玉戶生瘡時痛痒皆因房色損其元黃

葱水洗二三次杏仁燒灰油調痊加麝香丸妙

又方 鯽魚胆搽之妙

○陰挺下脫

良方曰婦人陰挺下脫或曰絕絡傷損或曰子臟虛冷或曰分娩用力所致

薛氏曰前症當升補元氣為主若肝脾鬱結氣虛下陷用補中益氣湯若肝火濕熱小便瀦滯龍胆瀉肝湯

一婦陰中突出如菌四圍腫痛小便頻數內熱嘔熱似痒似痛小便重墜此肝脾鬱結蓋肝火濕

熱而腫痛脾虛下陷而重墜也先以補中益氣加山梔茯苓車前子青皮以清脾火升脾氣更以加味歸脾湯調理脾鬱外以生豬脂和藜朮末塗之而收

一婦陰中挺出五寸許悶痛重墜水出淋漓小便澀滯夕與龍胆瀉肝湯分利濕熱朝與補中益氣湯升補脾氣諸症漸愈再與歸脾湯加山梔茯苓川芎黃柏間服調理而愈後因勞役或怒氣下部濕痒小水不利仍用前藥即愈

一方 治陰挺下脫

當歸

黃芩

各二兩

牡蠣半兩

蝟皮

灸一兩

赤芍

半兩

右為末每以二錢

食前溫酒調下米飲亦可

治陰挺長出玉戶數寸者疼痛不可忍飲食不進

用前方治其內仍以 大黃 山茨姑 石羔

牡蠣 乳香 為細末水調搗熟捏作条子如

中指大陰乾插入玉戶其痛即止

○陰瘡

薛氏曰此症乃七情鬱火傷損肝脾濕熱下流其

外症陰中突出如蛇如菌如鷄冠或生虫濕瘰

或潰爛出水或腫悶墜痛其內症体倦內熱經

候不調或飲食無味晡熱發熱或胸脇不利小

便痞脹或赤白帶下小便淋瀝其治法腫痛者

四物加柴胡丹皮山梔胆草濕痒者歸脾湯加

柴胡山梔丹皮淋瀝者龍胆瀉肝湯加白木丹

皮潰腐者逍遙散山梔川芎腫悶墜痛者補中

益氣湯加山梔丹皮佐以外治之法

一婦素性急陰內痛小便赤瀝怒而益甚或發熱

婦人全書

卷二

婦人全書

卷二

或寒熱此肝經濕熱所致用芎歸炒施柴胡苓
朮丹皮澤瀉炒芍車前炒連甘草數劑漸愈乃
去黃連澤瀉又數劑全愈

一婦臍腹上下并玉戶遍生濕瘡狀如馬底瘡他
處並無熱痒而痛大小便瀉出黃汁食減身面
微腫衆作惡瘡治反劇愈痛急令洗去乃用馬
齒莧四兩青黛一兩同搗爛敷瘡上即時痒止
痛定而熱亦退仍服三政散日三服分散客熱
每敷藥僅得一時久藥已乾燥丹塗新濕藥又

安凡如此二日僅減三之一五日減三之二自
此二十日全安緣此婦嗜酒貪啗魚蟹發風
之物而中下焦蓄風熱之毒氣當作腸瘻內痔
等疾后當禁酒及發毒之物

一方 治玉戶生瘡 杏仁燒存性 雄黃 明凡錢
麝香一分 右為末敷之

又方 飛丹研極細生桐油調搽二三日效

○交接輒血出痛

薛氏曰一婦每交接便血出作痛此肝火動脾而

不能攝血用補中益氣濟生婦脾二湯而愈若
出血過多而見他症但用前藥調補肝脾

千金方 療交接血出 伏龍肝 桂心分
為未每服一錢酒調下

○胎前惡阻及痰逆不食

惡阻者謂嘔吐惡心頭眩惡食擇食是也脉息和
順但竟肢体沉重頭目昏眩好食醎酸甚者或
作寒熱心中憤悶嘔吐痰水不能支持古謂之
子病由胃氣怯弱中脘停痰之所致也

薛氏曰脾胃虛弱嘔吐不食用茯苓半夏湯蓋半
夏乃健脾化痰滯之平藥也痰涎壅滯飲食必
思胎氣不安為必用之藥須倍加白木然半夏
白木陳皮砂仁善能安胎氣健脾胃也予嘗用
之驗甚若兼氣惱更加柴胡因風寒須用參蘇
生生子曰前症亦有因火者故丹溪用抑青丸前
人亦有用濟生竹茹湯者予歷見為火症者
多寒者間而有之亦有愈治而愈逆者便當勿
藥待之俟胃氣和當自瘳矣

茯苓半夏湯 妊娠脾胃虛弱飲食不化嘔吐不止

半夏泡炒 陳皮各一錢 白茯苓二錢 砂仁炒一錢

炙甘草五分 姜棗 烏梅水煎服二帖后用茯苓丸

茯苓丸 妊娠煩悶頭暈聞食吐逆或胸腹痞悶

赤茯苓 人參 桂心 炮姜 半夏泡炒

橘紅各一兩 白朮炒 葛根 甘草炙 枳壳炒各

右蜜丸梧子大每服五十丸米飲下日三服

白朮湯 胃虛惡阻吐水甚至十餘日粥湯不化

白朮炒 一人參五分 丁香 炙甘草各二分

右姜水煎服

保生湯 妊娠惡阻少食嘔吐或兼吐瀉作渴

人參一錢 炙甘草 白朮炒 香附 烏梅

橘紅各五分 右姜水煎服

仲景乾姜人參半夏丸 治妊娠嘔吐不止

乾姜 人參 半夏分 為末姜汁糊丸梧子

大米飲下十日三服

歸原散 惡阻嘔吐不止頭痛全不入食諸藥無效

人參 甘草 川芎 當歸 芍藥 丁香錢

茯苓 白木 陳皮各一兩 桔梗炒 枳壳炒 各二兩

半夏泡炒黃 右每服五錢加姜六片東一枚

水煎服已上五方治寒痰惡阻之劑也

竹茹湯 惡阻嘔吐不下食 青竹茹 橘紅各三兩

生姜 茯苓各四兩 半夏五兩 右水六升煮取

二升半分三服

人參橘皮湯 惡阻嘔吐痰水 人參 橘皮

白朮 麥冬各一兩 甘草三錢 厚朴制 白茯苓各五錢

右每服五錢加青竹茹一錢生姜三片水煎服

妊娠嘔吐痰水不食 生苳根一兩 橘紅七錢

生姜一兩 枳櫛三錢 右作三次水煎服

妊娠惡食心中煩憤熱悶嘔吐 竹茹 麥冬各二兩

前胡二兩 橘紅一兩 苳根一握 水一斗升煮半

升作二次食前服 已上四方治熱痰惡阻之劑也

羅太無半夏茯苓湯 惡阻心中憤悶頭目眩暈

四肢怠倦百節煩痛胸膈痰逆嘔吐惡心嫌聞

食氣好噉酸醎多臥少起全不進食先服此湯

次服前茯苓丸 半夏泡炒黃 一兩 赤茯苓

熟地黄

各七錢半

芍藥

旋覆花

千金方無此而有細辛紫蘇

橘紅

各半

人參

川芎

桔梗

甘草

各五錢

右每服五錢姜七片水煎空心服○若有客

熱煩渴口瘡去橘紅細辛加前胡知母七錢半

若腹冷下利去地黄加炒桂心五錢○若胃中

虛熱大便秘小便赤瀉加大黃七錢半去地黄

加黃芩二錢半

○胎動不安

妊娠胎動或飲食起居不節或衝任經虛或因過

酒房室擊觸跌撲損動臟府或脾氣虛弱誤服

藥餌或感冒風寒當各推其且而施治之有且

母病而胎動者但治其母而胎自安有胎不堅

固動及母疾但安其胎而母自愈面赤舌青其

胎已死面青舌赤吐沫其母必死唇口色青兩

邊沫出子母俱死也

薛氏曰前証胎氣鬱滯者紫蘇飲脾氣虛弱者六

君子湯加紫蘇枳殼鬱結傷脾者歸脾湯加柴

梔鬱怒傷肝脾者四七湯加芎歸怒動肝火者

加味小柴胡湯若胎已死急用平胃散加朴硝腐化之

丹溪曰產前當清熱養血曰火動胎逆上喘急者以条芩香附之類為末調下墮胎乃氣虛血虛血熱所致懷妊嗜物乃一臟之虛黃芩安胎妙藥乃上中二焦之劑能降火下行加白朮為安胎聖藥也俗不知以為寒而不取用殊不知產前宜清熱令血循經而不妄行故能養胎又曰將臨月胎熱以三補丸加炒香附白芍証餅

為丸服抑熱以三補丸以地黃膏為丸○孕至八九個月必用順氣須枳殼紫蘇梗

固胎方法 川芎 地黃 黃芩各五分 歸身

人參 白芍 陳皮各錢 白朮半錢 甘草三分

黃栢 黃連俱少許 桑寄生錢一 右每服五六錢

加糯米五十粒水煎服 血虛不安者加阿膠

腹痛者加砂仁能止痛安胎行氣故也一方無黃

連名固孕丸

仲景云妊娠宜常服當歸散 當歸 黃芩

芍藥 芎藭各一兩 白朮半斤 右為末酒調服方寸七日二服常服之即易產胎無苦疾產後百病悉去之

肘後方 治胎動不安 取芎根如足大指者一

尺水煎服一方有生薑五片丹溪云芎根大能補陰血而行滯血

立効散 治胎動不安如重物所墜冷如水即佛手散也

縮砂散 治胎動不安墮在須臾痛不可忍神効

砂仁連壳炒黑為末 每服二錢酒下

釣藤湯 妊娘胎動腹痛面青冷汗氣欲絕者

釣藤鈎 當歸 茯神去木 人參各一錢 苦梗半錢

桑寄生一錢 右水煎服煩熱者加石膏

黃芪湯 氣虛胎動腹痛下水 糯米一合 炙黃芪

川芎各一兩 水煎分三服

順氣飲子 產前服之安胎 紫蘇葉 木香煨

人參 草薹蔻 茯苓各一兩 炙甘草五錢

大腹子一兩 者去之氣虛 右每服三五錢加芎根三寸糯米三十粒水煎服

安胎寄生湯 妊娘下血或胎不安或腰腹痛

桑寄生

白朮

各五分

茯苓

四分

甘草

一錢

水煎服

安胎飲

躄倦惡食

或胎動腹痛

或下血發熱

腰痛

炙甘草

茯苓

川歸

熟地

川芎

白朮

黃芪

白芍

炒

半夏

泡

阿膠

炒

地榆

加姜棗水煎服

又方

好銀

煮取水

入葱白

作羹

食之

妙

生生子

曰按良方

云

妊娠婦人

倘氣血虛弱

無以

滋養

其胎終不能成

也宜下之

以免其禍若胃氣壯實衝任榮和如魚之處淵得其所也宜以

畫方技以補養之庶無所誤設因病而胎不能

安者不得下之藥劑亦須謹慎

桂心散

妊娠因病而胎不能安者

以此下之

桂心

瓜蒌

牛膝

藎麥

各五分

歸尾

一錢

右水煎服

又方

牛膝

一兩

酒煎

食前

空心

服下

又方

生鷄子

一枚

鹽三錢

攪勻

服之

立下

佛手散更妙

凡胎死者

即下

生者

即安

○胎漏下血

附卒然下血

下如薑汁

良方曰：妊娠經水時下，由衝任氣虛，不能約制，蓋心小腸二經相為表裏，上為乳汁，下為月水，故妊娠經水壅，以養胎，蓄之，以為乳。若經水時下，名曰胞漏，血盡則斃矣。

丹溪曰：胎漏有曰氣虛者，有曰血虛者，有曰血熱者，不可不察也。

薛氏曰：前症有風熱者，以防風黃芩丸。若曰血熱，加味逍遙散。血虛，二黃散。血去太多，八珍湯。味應補中益氣湯。若曰肝火，用柴胡山梔散。脾虛

加味歸脾湯。若曰事下血，作痛，八珍湯加阿膠。熟艾脾胃虛者，補中益氣湯加五味子。下陷者，倍升麻柴胡。晡熱內熱，用逍遙散。亦有血氣盛，養胎之外，而有餘者，不必服藥。

卒然下血，良方謂冷熱不調，七情失宜，氣血不和，所致。若傷於胎，則痛血去多，則墮矣。薛氏云：前症氣怒者，小柴胡湯。風熱用一味防風丸。血熱用一味子芩丸。脾氣虛，六君子湯。中氣下陷，補中益氣湯。

一婦妊娠六月每怒下血甚至寒熱頭痛脇脹腹痛作嘔少食予謂寒熱頭痛乃肝火上冲脇脹腹痛乃肝氣不行作嘔食少乃肝侮脾胃下血乃肝火血熱用小柴胡加芍藥炒黑山梔茯苓白朮而愈訶子能止胎漏及胎動欲生脹悶氣喘多

安胎散 治卒然腰痛下血

熟地 艾葉 白芍 炒 川芎 黃芪 炒 川歸 阿膠 炒 甘草 炙 地榆 各五分 加姜東水煎服

子芩丸 治肝經有熱妄行用細茶芩沉實者炒為末每服一錢以鉄秤鎚燒赤淬酒熱調服若脾胃虛者不宜用

防風丸 治肝經有風血目妄動而不歸經

防風為末每服一錢白湯調下

防風黃芩丸 治肝經有風熱致血崩便血尿血用茶芩炒焦防風等分為末酒糊丸梧子大每服三五十九食前米飲或酒下

二黃散 治胎漏下血或內熱晡熱或頭痛頭暈

煩躁作渴或脇肋脹痛等症

生地 熟地 為末每用三錢煎白朮枳壳湯

調服 二黃枵膏為丸尤妙 度不枯槁而有力也

芎歸膠艾湯 妊娠下血腹中痛為胞阻以此安

艾葉 阿膠炒 川芎 當歸各三兩 甘草一兩

右細切以水八升煎取三升內膠溶盡分三服

立聖散 治妊娠下血不止

鷄肝三枚用酒一升煮熟頓食之大効

阿膠散 妊娠無故下血不止

阿膠三兩炒為末酒一升半煎令溶一服愈

又方 治血熱下血及胎漏下血不止

阿膠二兩為末 生地黃半斤搗取汁以清酒

三升絞汁分三服

又方 治胎漏下血不止胞乾即死宜急治之

生地黃汁升一 陳酒合五 合煎三五沸溫三服為度

枳壳湯 治虛熱胎漏下血或目事下血

枳壳 黃芩各半兩 白朮一兩 水煎食前分三服

本事方 治胎下血不止

菀奴菀樹上乾不燒存性為末水調服落菀子是也

妊娠胎漏下黃汁或如荳汁白漿或如赤荳汁予

歷見此症不早治其胎必墮

大全方 治妊娠忽然下黃汁如膠或如荳汁胎

動腹痛乃氣虛也

糯米升五 黃芪兩六 水七升煎取二升分四服

薛氏云若肝脾濕熱用升陽除濕湯肝脾風熱如

味道遙散肝脾鬱怒加味歸脾湯脾胃氣虛用

錢氏白朮散若脾氣下陷補中益氣湯風入腸

胃用胃風湯

東垣升陽除濕湯 治婦人女子漏下惡血月事

不調或暴崩不止多下水漿之物皆由飲食

失節或勞傷形骸或素患心氣不足因飲食

勞倦致令心火乘脾其脉緩而弦急按之洪

大皆脾土受邪也

柴胡 羌活 蒼朮 黃耆錢炒各半 防風 升麻

甘草錢各 藁本錢各 蔓荊子分七 獨活 當歸分各五

右水煎食前服

胃風湯 治風邪乘虛客於腸胃水谷不化泄瀉
下注腹脹虛滿腸鳴作痛及腸胃虛熱下如
葶汁或瘀血日夜無度

人參 白朮 茯苓 川芎 川歸 白芍
桂皮 粟米 右水煎食遠服

銀芎酒 治妊娘下黃汁或如赤荳汁

芎根去黑皮 好銀各一斤 水九升煮取四升每服入

酒半升煎分三服

脉經曰婦人懷軀六月七月暴下斗餘水其胎必

倚而墮此非時孤漿預下也胎漏下水乃徐徐而下今暴下而多

故知胎墮

○胎上逼子懸也

妊娘將養如法則血氣調和胎得其所而產亦易
否則胎動氣逆上逼臨產亦難甚至危矣

陳良甫云治一婦人有孕七個月遠歸忽然胎上
冲心而痛坐卧不安兩醫治之無效遂說胎已
死矣用草麻子研爛加射香貼臍中以下之命
在垂亡名陳診視兩尺脉絕他脉平和陳問二

醫作何症治答曰死胎也陳曰何以知之曰兩
尺脉絕是以知之陳曰否此子懸也若是胎死
却有辯處面赤舌青子死母活面青舌赤吐沫
母死子活唇口俱青母子俱死今面不赤舌不
青其子未死是胎上逼心宜以紫蘇飲治之至
十服其胎遂不逼而下安矣

紫蘇飲

治妊娠胎氣不和逼上脹滿疼痛謂之子懸

兼治臨產驚恐氣結連日不下

紫蘇葉一兩

大腹皮

人參

川芎

陳皮

白芍

各五錢

當歸

三錢

甘草

一錢

右剉分三服

每服加姜四片葱白七寸水煎至七分空心
服○曾有累日產不下遍服催生藥不効此
必坐草少早心存一點畏惧氣結而不行非
不順也素問云恐則氣下蓋恐則精神怯
則上焦閉則氣還則下焦脹氣乃不行
得此藥一服便產及治妊娠六七月子懸每
用此數有驗不十服胎便近下而安

大全方

治胎上逼煩悶併治胎動困篤

葱白二十七莖濃煮汁飲之若胎未死則安已死

即下如未効再服○若唇口青黑手足厥冷

須佐以當歸湯本草云葱白通陽氣安胎此方神妙脉浮滑者宜之

當歸湯 治胎動煩躁或生理不順唇口青黑手

足厥冷 人參 當歸 阿膠炒 炙甘草各一錢

葱根連白握 右水四碗煎四味減半去渣入葱

再煎至一碗分二服

薛氏云一妊婦每曰悲怒其胎上逼左關脉絃洪

乃肝火內動用炒柴胡加茯苓枳壳山桅而愈

但躰倦不食用六君子調養脾土加柴胡枳壳調和肝氣乃瘥

又一妊婦胎上逼胸滿噯氣飲食少思此脾氣鬱滯用紫蘇飲類安又用四君子加枳壳柴胡山

桅而瘥

大聖散 治妊娘怯悸夢驚心腹脹滿連脐急痛

白茯苓 川芎 麥冬 黃芪炒 川歸各一錢

人參 炙甘草 木香各五分 加生姜水煎服

白朮湯 妊娘遍身痛或冲心欲死不能飲食

白朮五兩 黃芩二兩 芍藥四兩 右水六升煮取二升半分三服○綠胎有水致痛難易產

○妊娠心痛腹痛

妊娠心腹痛或宿有冷疾或新觸風寒或痰飲相搏若痛傷胞絡必至動胎甚則傷墮

妊娠卒心痛氣欲絕

川芎 當歸 茯苓 厚朴制各一錢 水煎服

當歸芍藥湯 妊娠心腹急痛或去血過多而眩暈各三錢 白芍炒 當歸 茯苓 白朮炒

澤瀉各一錢 川芎二錢 右水煎服

阿膠散 治胎痛腹痛 白茯苓 白朮炒

川芎 阿膠炒各一錢 當歸 陳皮各二錢

甘草炒三分 右姜朮水煎服

熟艾湯 治妊娠心腹痛或吐血衄血

熟艾如拳大水煮服之效○中惡亦妙

有癥者宜去癥胎動多在當臍今動 此症宜以

仲景桂枝茯苓丸主之

桂枝茯苓丸 妊娠腹痛不能忍或偶有所傷胎

動不安命將絕者砂仁不以多少連皮炒黑色或單用仁炒為末熱酒調下二錢不飲酒者未飲下但覺腹中熱胎已安矣懸命須臾者以砂仁湯吞桂枝茯苓丸又名奪命丸專治婦人小產下血子死腹中其婦增寒手指唇口爪甲青白面色黃黑胎上搶心悶絕欲死冷汗自出或食物或誤食草藥傷動胎氣下血不止胎或未損者服此即安胎已死者服此即下腐爛者亦能取下此方原係異傳

丹溪亦稱其神此即仲景桂枝茯苓丸但用

淡醋湯嚼下耳 桂枝 茯苓 牡丹皮

菴仁去皮 赤芍藥 右各等分蜜丸彈子大

淡醋湯嚼下一丸不知漸加至三丸

○妊娠腰痛

腎主腰胎繫于腰痛甚者或因勞役傷損則胎墮也

薛氏曰若外邪所傷用獨活寄生湯勞傷元氣入珍湯杜仲砂仁膠艾脾腎不足以前藥加白朮

補骨脂氣血鬱滯用紫蘇飲加桔梗枳壳肝火
所動以小柴胡湯加白朮枳壳山桅肝脾鬱結
用歸脾湯加柴胡枳壳

一妊婦頸項強直腰背作痛此膀胱經風邪所致
用拔萃羌活湯一劑而愈又用獨活寄生湯及
八珍湯以祛邪固本而痊

通氣散 腎虛腰痛神效 破故布炒為末空心

每服二錢嚼胡荽肉半個以溫酒下

杜仲丸 治妊娘腰痛 杜仲炒 川續斷酒

各等分為末煮棗肉為丸梧子大每服七十
丸酒或米飲下

膠艾湯 治腰腹疼痛胎動欲落即前妊娘下血

安胎飲是也 熟地 艾葉 白芍 川芎

黃芪 阿膠 川歸 甘草炒 各等分加

姜枣水煎服

獨活寄生湯 治足三陰虛風濕所侵腰膝作痛

獨活 桑寄生 續斷炒 杜仲炒 姜汁 細辛

秦艽 牛膝酒 茯苓 白芍炒 桂心

川芎 防風 人參 熟地 川歸

粉草 灸各五分 右水煎服

一婦若腰痛數年不愈用白朮一味大劑服不三月而痊乃胃氣虛閉之症白朮能利腰膈之血故安胎而治痛也

拔萃羌活勝濕湯 治頭疼脊痛腰似折項似拔

羌活 獨活 各一錢 藁本 防風 炙甘草 各五分

川芎 蔓荊子 各二分 右水煎服如身重腰

沉之然 是濕熱也 加黃柏一錢附子五分 各二分

○妊娠小腹痛

薛氏曰一妊婦小腹痛作痛其胎不安氣攻左右或時逆上小便不利用小柴胡湯加青皮山梔清肝火而愈後因怒小腹痛滿小便不利水道重墜胎仍不安此亦肝木熾盛所致用龍胆瀉肝湯一劑諸症頓愈乃以四君子加柴胡升麻以培脾土而安

龍胆瀉肝湯 治肝經濕熱兩脇腫痛或小腹痛

脇痛小便澀滯等症 龍胆草 酒拌 澤瀉 各二錢

木通 生地 川歸 車前子炒 山梔炒

黃芩炒 甘草各五分 水煎服

阿膠散張氏名 不問妊娠月數深淺或顛仆或目

毒藥胎動不安腰疼腹痛搶心短氣

熟地 艾葉 白芍 川芎 黃芪 阿膠

川歸 甘草各一兩 右剉每服五錢入姜東水

煎服 金櫃方無黃芪

○妊娠心腹脹滿

薛氏曰若外感風寒內傷飲食用藿香正氣散若

食傷脾胃用六君子湯若陽氣壅滯用紫蘇飲

一妊婦飲食停滯心腹脹滿或用人參養胃湯加

山查青皮枳殼其脹益甚其胎上攻惡心不食

右關脉浮大按之則絃此脾土不足肝木所侮

用六君子加升麻柴胡而愈後小腹痞悶用補

中益氣湯升舉脾氣乃瘥

○妊娠數墮胎

夫胎乃陽施陰化榮衛調和經水完全十月而產

若血氣虛損不能養胎所以數墮也凡妊婦腰

痛多致墮胎

薛氏曰丹溪云陽施陰化胎孕乃成血氣虛之不
能榮養其胎則墜譬如枝枯則果落藤痿則花
墜嘗治賈氏婦每有妊至三月前後必墜診其
脉左右大而無加重則瀦知其血虛也補其中
氣使血自榮時正初夏教以濃煎白朮湯下黃
芩末二錢與數十帖得保而生因而思之墮於
肉熱而虛者於理為多曰熱曰虛蓋妊至三月
上屬相火所以易墮不然何以黃芩熟艾阿膠

等為安胎之妙如此也大抵治法須審某月屬
某經育養而藥之

生生子曰胎猶瓜也瓜生於藤、肥而瓜壯未熟
而凋者由藤稿而風搖也胎藏母腹繫于命門
命門者督脉之所循也又衝任二脉為血之海
妊婦而經不行者血蓄以養胎也足月而生者
猶瓜熟而蒂落也苟內無所傷外無所感何墮
之有衝任督三脉一宗衝脉由氣街而行足少
陰任脉起於胞門子戶由會陰而行腹督脉繫

廷孔由會陰而行背歷長強循腰膂命門而上
巔驗今之墮胎者苟非衝任之不足必由色慾
之縱恣淫火一動則搖撼其督脉胞門亦由之
而不閉胎斯墮也胎墮必腰痛者腰膂命門皆
督脉之所歷胎又繫于命門故也現牝獸之護
胎則可推其所慎矣牝牡交合有節懷胎之後
牝獸近身則蹄而遠之是以交而必孕而必
育者由交合之有節也懷妊而不遠慾即幸不
墮生子亦必脆弱多疾痘疹亦多險逆皆淫火

煅煉所致現丹溪曰虛曰熱抑豈無其所自乎
予故揭而告諸保孕者當知其所慎重至于藥
劑則虛熱二字為之本矣是以个珍阿膠杜仲
黃芪黃柏黃芩桑寄生香附為安胎之妙者得
非治其本歟

允保胎當理脾胃脾胃為倉廩五臟六府之所稟
受胚胎由之以滋養也胃屬陽明陽明者衝任
之長也

一方 鯉魚二斤者一尾粳米一升用鹽醬和煮

食之甚善一月食三次為佳

芎藭補中湯 懷妊血氣不能榮養以致半產早
能服此預先補之不致于墮

乾姜煨 阿膠炒 芎藭 五味子各五分 黃芪炒

川歸 白木炒 杜仲炒 白芍藥各一錢 人參

木香 甘草各五分 右水煎服虛寒所宜

千金保孕湯 氣血不足每至三四月而墮當預服

人參 黃芪 白木 川歸 甘草 黃芩

杜仲 桑寄生 川續斷 白芍藥 砂仁

加粳米五十粒水煎食遠服○若氣痞悶不

舒加厚朴蘇梗○若腹疼加熟艾葉香附○

見血下加升麻地榆椿根白皮阿膠

醋附丸 治數墮胎者此藥甚妙 亦治崩漏帶

下積聚癥瘕臍腹疔痛

香附子擦去毛淨 用好醋煮透焙乾為末仍以醋打

糊為丸梧子大每服三五十丸米飲下

脉經曰婦人懷胎一月之時足厥陰脉養之二月

足少陽養三月手心主脉養四月手少陽脉養

五月足太陰脉養六月足陽明脉養七月手太
陰脉養八月手陽明脉養九月足少陰脉養十
月足太陽脉養諸陰陽脉各養三十日手少陰
太陽不養者上為乳汁下為月水也值養胎之
經者不可針灸犯之必墮胎

○胎不長

良方曰妊娠而胎不長者因有宿疾或因失調以
致臟腑虧損氣血虛弱而胎不長也當治其疾
痰益其氣血則胎自長矣

生生子曰曾見一宦婦每妊至五六月則墮如此
者三次胎甚瘦小詢知少時患哮喘因而背駝
軀亦矮小因腹中不舒其胎不能長后治其哮
嗽再孕乃不墮竟足月而產一子此固偶然則
良方宿疾之說似不誣矣

薛氏曰一婦胎六月身倦懶食面黃晡熱而胎不
長因勞欲墜此脾氣不足也用八珍湯倍加參
朮茯苓三十餘劑脾胃漸健胎安而長矣

生生子曰昔在西吳有張氏婦年二十三孕適三

月迎子胘之其脉兩尺皆瀦左手短弱右關不
充據脉瀦不當有妊而其夫云向已受胎者二
俱彌月而產躰皆不完始無舌次無水火門戶
產下隨死而無生氣今第三孕矣心憂之以翁
治法多竒思幸投劑而保全之也予以脉叅之
多為神志不足因處一方曰壯神益志保孕湯
即語之曰是方每月可服十帖過八月則不必
服矣彼欣然從而服之足月產一女形全而氣
壯及再有妊未服藥雖生一女完矣而頭面為

白膜遮蔽隱、僅見耳自口鼻而亦隨死也後
又孕適子婦省其婦心憂失措夫諭之曰無恐
前保孕方在向以未服乃致乖舛今可亟服也
照方服如前至期生一子而無恙舉家以此方
為神錄而置之香火堂中尸祝之此亦愚見之
偶中者人以旋服旋効而遂神之也亦其家為
富而甚不仁丘里啣之當其產而偵之其產而
怪以為作惡之報迨產子而無恙即以鄙為保
孕之神至今傳頌不衰也予因記其事并戒夫

人之為惡者

壯神益志保孕湯 茯神 當歸 酸枣仁

人參 遠志 山藥 黃芪 鹿角膠各一錢

白木二錢 砂仁三分 甘草四分 加真眼肉五枚束二

枚水煎服

黃芪湯 治妊娠不長更安胎和氣 黃芪炒

白木炒 陳皮 麥冬 白茯苓 前胡

人參各五分 川芎 甘草炒三分 右姜朮水煎服

集驗方 用鯉魚長尺許者如食法整理飲其汁

則胎漸大而長矣然亦須每月服數次為妙

墮胎後血下不止

墮胎後復損經脈而下血不止甚則煩悶致死皆

以調補胃氣為主

薛氏曰一妊婦墮胎昏憤不時吐痰自用養血化

痰之劑昏憤不省自汗發搐痰涎湧出彼以為

中風欲用祛風化痰予曰此屬脾氣虛寒所致

遂用十全大補湯加炮姜二十餘劑尋愈

墮胎下血煩滿寒熱狂悶鏘鹿角屑為末每服三

錢水調下日三服

墮胎下血腹痛 阿膠炒一 艾葉五錢 水煎服

補中益氣湯 加鹿角膠 下錢臨服入童便半酒

杯立止

人參黃芪湯 治小產氣虛血下不止

人參 黃芪炒 當歸 白木炒 白芍炒

艾葉各一錢 阿膠炒二 水煎服

○未足月欲產

妊娠未足月而痛欲產者知母丸佳氣血不足者

芎歸補中湯倍加知母或八珍湯內加之血熱

薛氏曰一妊婦八月胎欲墜如產即久少安日晡兩宜

益甚此氣血虛弱朝用補中益氣湯加茯苓半

夏隨愈更以八珍湯調理而安

芎歸補中湯 治氣血虛而欲產

艾葉代姜炒 阿膠炒 川芎 五味子炒 川歸

白朮炒 黃芪炒 人參 芍藥炒 各錢

甘草炙五分 杜仲一錢 水煎作二次服

知母丸 十月未足而痛如產兼治產難及子煩

知母為末蜜丸梧子大米飲下三十九或酒下
又方 月數未定而似欲產腹痛

槐子 蒲黃 等分為末蜜丸梧子大酒吞三

十九痛止為度 蒲黃味以井水調服亦佳

千金方 治月未足而欲產

菖蒲根搗汁一二升灌下

本草云菖蒲治胎動不安下血

○過期不產

妊娠月足而過期不產者當補血行滯羅先生以
四物湯加香附苑仁枳壳縮砂紫蘇水煎服之

數帖即生

○妊娠咳嗽

夫肺內主氣外主皮毛腠理不密寒邪乘之則咳
嗽秋則肺受之冬則腎受之春則肝受之夏則
心受之其嗽不已則傳于臟府妊娠病久不已
則傷胎也

薛氏曰若秋間風邪傷肺用金沸草散夏火邪尅
金用入參平肺散冬寒邪傷肺用入參敗毒散
春風邪傷肺用參蘇飲若脾肺氣虛用六君子

國家圖書館, NATIONAL CENTRAL LIBRARY, TAIPEI, R.O.C.

芎歸桔梗若血虛桑皮杏仁桔梗腎火上炎用
六味丸加五味子煎服脾胃氣虛風寒所傷補
中益氣湯加桑皮杏仁桔梗

又治一妊婦氣喘痰甚諸藥不効素有帶下始于
目下有浮氣兩月其面亦然此氣虛而有痰飲
也用六味丸料數劑而愈

一妊婦嗽則小便出此肺氣不足腎氣虧損不能
司攝用補中益氣湯以培土金六味丸加五味
以生腎氣而安

一妊婦咳嗽其痰上湧日五六碗許諸藥不應予
以為此水泛為痰用六味丸料及四君子湯各
一劑稍愈數帖而安

一妊婦因怒咳嗽吐痰兩脇作痛此肝火傷肺金
以小柴胡湯加山梔枳殼白朮茯苓治之而愈
但欲作嘔此肝侮脾也六君子加柴胡升麻而
痊

桔梗散 治風寒咳嗽喘急不食天冬去心

赤茯苓各一錢 桑皮 桔梗炒 紫蘇 貝母

人參各五分 麻黃去節 炙甘草各三分 右加姜水煎服

馬兜鈴散 治咳嗽氣喘 馬兜鈴 苦梗

人參 甘草 貝母各五分 紫蘇錢一 橘紅

大腹皮 桑皮各一錢 五味子粒十一 右姜水煎服

百合散 咳嗽胸膈煩悶 川百合 紫苑

麥冬 苦梗 桑皮各五分 甘草三分 竹茹二分

加姜水煎服

妊娠傷寒涎多咳嗽 知母 杏仁 天冬

桑皮各五分 姜水煎服

加味參蘇飲 治項背拘急鼻塞頭眩時發寒熱

咳嗽 即參蘇飲加五味子杏仁是也

○妊娠吐血衄血

妊娠吐血衄血由七情臟腑所傷氣逆于上致血上溢不止心悶甚者多死或墮胎也宜用局方必勝散

薛氏曰若肝經怒火先用小柴胡中施生地次用前藥合四物後用加味逍遙散若肝經風熱防風子芩丸心經有熱硃砂安神丸心氣不足茯苓補心湯思慮傷心妙香散胃經有火犀角地

黃湯膏梁積熱加味清胃散肺經有火黃芩清肺飲因氣鬱滯紫蘇飲子氣不攝血用補中益氣湯腎經虛火六味地黃丸

紫蘇飲 治妊娠失調胎氣不安上攻作痛或氣

逆失血方在胎上逼卷中

一妊婦因怒失血兩脇脹痛小便淋瀝此怒而血蓄于上隨火出也用小柴胡合四物四帖血止

用六君子安胎飲調理全安

必勝散 治男子婦人血妄流溢或吐衄血並妙

小薊連枝用

人參

蒲黃炒

熟地

川歸

川芎

烏梅去核各一錢半

水煎服

黃芩清肺飲

治妊娠肺熱吐衄及治肺熱小便

不利正

黃芩炒 山梔炒各一錢

鹽豉二十粒 水煎服

加味清胃散

治醇酒厚味唇齒作痛或齦齩潰

爛并頭面頸項疼痛及妊娠吐衄 川歸

黃連炒一錢半

生地

丹皮各一錢

犀角

連翹一錢二分

升麻二錢

甘草五分

右水煎服

便秘加大黃

○子煩

良方曰：妊娠苦煩悶者，以四月受少陰君火以養精，六月受少陽相火以養氣。若母心驚胆寒，多有是症。產寶云：是心肺虛熱，或痰積于胸，若三月而煩者，吐涎惡食，大凡停痰積飲，寒熱相搏，吐甚則胎動不安。

薛氏曰：內熱子煩，用竹葉湯。氣滯用紫蘇飲。痰滯用二陳加白朮、黃芩、枳殼、氣鬱用分氣飲。加川芎、脾胃虛弱用六君子加紫蘇、山梔。

竹葉湯：妊娠心驚胆怯，終日煩悶，名曰子煩。

白茯苓	錢二	防風	黃芩	麥冬	錢各一	竹葉	片十
水煎服	知母一方有						
人參散	熟乘心脾煩熱乾渴	人參	麥冬				
赤茯苓	地骨皮	黃芩	炒	乾葛	甘草	分五	
犀角	錢各一	水煎服					
竹茹湯	妊娠煩躁或胎不安						
淡竹茹	一兩	水煎服之					
知母丸	知母一味炒為末	東肉丸如彈子大					
服一丸	人參湯下						

分氣飲 脾胃虛弱氣血不和胸膈不利或痰氣
 喘嗽飲食少思 陳皮 茯苓 半夏 桔梗
 大腹皮 蘇葉 白朮炒 枳壳炒 山梔炒 各一錢
 甘草炙 五分 右加姜棗水煎服
 治子煩口乾不得卧用黃連為末每服一錢米飲
 調下

大宮詹少溪吳馭閱校

終



國家圖書館, NATIONAL CENTRAL LIBRARY, TAIWAN, R.O.C.

赤水玄珠婦人門第二十七卷目錄

煩

妊娠煩躁口乾 風痙子癇 妊娠瘕瘕

妊娠鬼胎 妊娠不語 傷寒熱病防損胎

妊娠傷寒 妊娠時氣 過時熱病

熱病胎死腹中 妊娠瘡疾 妊娠泄瀉

下痢黃水 大小便不通 小便不通名曰轉脬

子淋 妊娠遺尿 妊娠尿血

胎水腫滿 腹內鐘鳴 孕癰



NATIONAL CENTRAL LIBRARY, TAIWAN, R.O.C.

臟躁悲傷

滑胎方法

十產論

產難方論

交骨不開產門不閉

下死胎方

產難生死脉訣

胞衣不出

產後血暈

產後顛狂

狂言譫語

產後不語

終

婦人全書卷之三

○ 妊娠煩躁口乾

新安生生子孫一奎著輯

足太陰脾之經其氣通於口手少陰心之經其氣通於舌若臟腑不調氣血不和以致內熱乘於心脾津液消燦故心煩口乾也與子煩大同小異宜用益母丸即前一味知母丸是也

一 妊娠煩熱咽疼用知母散加山梔清肺而愈后
又內熱咳嗽小便自遺用補中益氣加麥門冬

國家圖書館, NATIONAL CENTRAL LIBRARY, TAIWAN, R.O.C.

山枝以補肺氣滋腎水而痊

知母散 治煩躁悶亂口乾

知母 麥冬 黃芪炒 子苓炒

赤茯苓各一錢 甘草 水煎入竹瀝一合再煎

一沸服之

人參黃耆散 治身熱煩躁口乾

人參 黃耆炒 葛根 秦艽 赤茯苓

麥冬各一錢 知母 甘草各五分

右姜三片竹葉十四片水煎服

○妊娠風痙子癇

妊娠體虛受風而傷足太陽經遇風寒相搏則口

噤背強甚則腰反張名之曰痙須臾自醒良久

復作又名曰子冒又類子癇

生生子曰風痙乃外邪從足太陽而入有剛柔之

分當從仲景法於傷寒門中求治子癇乃痰涎

所致是內臟所生治當分別

薛氏曰若心經風熱用釣藤湯肝脾血虛加味道

遙散肝脾鬱怒加味歸脾湯氣逆痰滯紫蘇飲